



ՀՈՒՇԱԳԻՐ ՀԱՄԱԳՈՐԾԱԿՑՈՒԹՅԱՆ ՄԱՍԻՆ

ք. Բջևան

27. 05. 2021թ.

Երևանի «Գլաձոր» համալսարանը (այսուհետ՝ Համալսարան) ի դեմս ռեկտոր Ժորա Ջհանգիրյանի՝ մի կողմից և «Երևանի պետական համալսարան» հիմնադրամի Բջևանի մասնաճյուղը (այսուհետ՝ ԵՊՀ ԻՍ) ի դեմս տնօրենի պաշտոնակատար՝ Անուշավան Մակարյանի՝ մյուս կողմից, հիմք ընդունելով միջբուհական համագործակցության ապահովման, կողմերի գիտատեխնիկական և կադրային կարողությունների լիարժեք օգտագործման և առաջավոր փորձի փոխանակման անհրաժեշտությունը, կնքեցին համագործակցության հուշագիր (այսուհետ՝ Հուշագիր) հետևյալի մասին.

1. ՀՈՒՇԱԳՐԻ ԱՌԱՐԿԱՆ

1.1. Հուշագրի առարկան Կողմերի համագործակցության նպատակի և գործընկերության հիմնական ուղղությունների սահմանումն է:

2. ՀՈՒՇԱԳՐԻ ՆՊՏԱԿԸ ԵՎ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ

2.1. Հուշագրի նպատակը Կողմերի միջև կրթական և գիտահետազոտական ոլորտներում գործընկերային հարաբերությունների հաստատումն է, համագործակցության ծրագրերի իրականացումը՝ Հուշագրի 2.2. կետում նախատեսված ուղղություններով:

2.2. Կողմերը պատրաստակամ են՝

- 1) մասնակցել հուշագրի իրականացման աշխատանքներին, հուշագրին առնչվող հանդիպումներին ու քննարկումներին, հանդես գալ առաջարկություններով ու դիտողություններով,
- 2) մասնակցել հուշագրի շրջանակներում ծավալվող միջոցառումներին (թրեյնինգներ, սեմինարներ, խորհրդակցություններ, կլոր-սեղան քննարկումներ, վերապատրաստումներ, գիտաժողովներ և այլն),
- 3) հուշագրի կատարման վերաբերյալ տեղեկություն ստանալ և դրա կատարման նկատմամբ հսկողություն ու վերահսկողություն իրականացնել,
- 4) աջակցել նորագույն տեխնոլոգիաների և մեթոդների ներդրմանը և դրանց միջոցով ուսումնառողների տեսական և գործնական գիտելիքների ամրապնդմանն ու խորացմանը,
- 5) աջակցել կրթական շարունակականությանն ուղղված ծրագրերի մշակմանն ու իրականացմանը:
- 6) համագործակցություն իրականացնել պատշաճ մակարդակով ,

- 7) կազմակերպել հանդիպում-քննարկումներ Կողմերի առաջատար մասնագետների մասնակցությամբ՝ ապահովելով մասնագիտական կրթության ոլորտին առնչվող տեղեկության պարբերաբար փոխանակում,
- 8) խթանել իրենց կազմակերպչական ստորաբաժանումների միջև համագործակցության ձևերն ու շրջանակները,
- 9) իրականացնել փոխադարձ այց-հանդիպումներ բենչմարքինգ անցկացնելու նպատակով,
- 10) համագործակցել ուսումնական պլանների և առարկայական ծրագրերի փոխհամաձայնեցման և բարելավման աշխատանքների շուրջ,
- 11) համատեղ կազմակերպել և անցկացնել գիտական և գործնական, ինչպես նաև գիտական և մեթոդաբանական գիտաժողովներ,
- 12) ապահովել ուսանողների և դասախոսների շարժունությունը սույն հուշագրի շրջանակներում ծավալվող միջոցառումներին (այդ թվում նաև վիրտուալ-առցանց), ինչպիսիք են՝ վերապատրաստումներ, սեմինարներ, խորհրդակցություններ, կլոր-սեղան քննարկումներ, հանրային դասախոսություններ, գիտաժողովներ և այլն,
- 13) իրականացնել համատեղ հետազոտական նախագծեր,
- 14) համատեղ կազմակերպել և իրականացնել միջբուհական մշակութային միջոցառումներ,
- 15) համագործակցել դասագրքերի, ուղեցույցների և այլ կրթական և ուսումնամեթոդական գրականության հրատարակման հետ կապված հարցերում,
- 16) որպես գործընկերներ մասնակցել եվրոպական ծրագրերին,
- 17) քննարկել (անհրաժեշտության դեպքում) Կողմերի նյութական ռեսուրսներից օգտվելու հնարավորությունները,
- 18) ապահովել համատեղ աշխատանքի ընթացքում փոխըմբռնման մթնոլորտ, ցուցաբերել անհրաժեշտ աջակցություն բոլոր համաձայնեցված հարցերի իրականացման առնչությամբ,
- 19) կազմակերպել Կողմերի ուսանողների գիտահետազոտական, գիտամանկավարժական, ուսումնական, արտադրական պրակտիկաներ,
- 20) ժամանակին միմյանց փոխանցել համապատասխան տեղեկատվություն, որը վերաբերում է Հուշագրով նախատեսված համատեղ ծրագրերի ու միջոցառումների անցկացմանը,
- 21) անվճար հիմունքներով խորհրդատվություն տրամադրել ծրագրի ու միջոցառումների կազմակերպման ու անցկացման հարցերում,
- 22) ապահովել անհրաժեշտ նյութական բազա և պայմաններ՝ համատեղ ծրագրեր իրականացնելու և միջոցառումներ անցկացնելու համար,
- 23) նախօրոք տեղեկացնել միմյանց համագործակցության ընթացքում առաջացող խնդիրների մասին և համատեղ ուժերով ապահովել դրանց լուծում:

3. ՀԱՄԱԳՈՐԾԱԿՑՈՒԹՅԱՆ ՀԻՄՆԱԿԱՆ ՄԿՁԲՈՒՆՔՆԵՐԸ

3.1. Կողմերը պարտավոր են առաջնորդվել համագործակցության հետևյալ հիմնական սկզբունքներով.

- փոխադարձ վստահություն,
- պատասխանատվություն,

- պարտաճանաչություն,
- որակի վերահսկում
- փոխըմբռնում և փոխզիջում,
- թափանցիկություն,
- համագործակցություն:

4. ԵԶՐԱՓԱԿԻՉ ԴՐՈՒՅԹՆԵՐ

- 4.1. Հուշագիրն ուժի մեջ է մտնում Կողմերի ստորագրման պահից և գործում է անժամկետ:
- 4.2. Սույն Հուշագրի ցանկացած փոփոխություն կատարվում է գրավոր և դառնում նրա անբաժանելի մասը:
- 4.3. Հուշագիրը կարող է դադարեցվել Կողմերից յուրաքանչյուրի նախաձեռնությամբ, մյուս Կողմին առնվազն 30 օր առաջ գրավոր տեղեկացնելու պայմանով:
- 4.4. Սույն Հուշագրի վերաբերյալ Կողմերի միջև ծագած անհամաձայնություններն ու վեճերը լուծվում են Կողմերի բանակցությունների միջոցով:
- 4.5. Սույն Հուշագիրը կնքվում է երկու բնօրինակից, հայերեն լեզվով, յուրաքանչյուր Կողմին տրվում է մեկական օրինակ:

5. ԿՈՂՄԵՐԻ ԻՐԱՎԱԲԱՆԱԿԱՆ ՀԱՍՑԵՆԵՐԸ

Երևանի «Փլաձոր» համալսարան

«Երևանի պետական համալսարան»
հիմնադրամի Իջևանի մասնաճյուղ

ք. Երևան 0015, Գր. Լուսավորիչ 7/1

Տավուշի մարզ, ք. Իջևան
Ուսանողական 3
Հեռ.՝ (+374) 10 54-59-80

Ռեկտոր՝ Ժ. Ջհանգիրյան

Տնօրենի պաշտոնակատար՝ Ա. Մակարյան

